

Dr Isbär

Text und Musik von Luca Maurizio

Refrain: F / Bb C7 F /

**Wia schön isch as Rutscha uf am Schnee
schnell, schnell, schnell!**

Strophe: Bb7 / F /C7 /C7

Und denn macht ma-n-a Kurva,
und denn macht ma no a zwaiti,
und denn no so a Sprung hoch, hoch, hoch ...

Refrain: F / Bb C7 F /

**Wia schön isch as Kheia in da Schnee,
oh, wia waich!**

Strophe: Bb7 / F /C7 /C7

Aber wem sind dia zwei gelba-n-Auga,
wo hinter am Isbärg füraluagand?
Oh! As isch an Isbär und er gseet
böös, böös böös uus ...

Refrain: F / Bb C7 F /

**Doch schnell, springand alli uf da Teppich!
Schnell, schnell, schnell!
Sus werdand alli zum Bäraznüni!
Niam, niam, niam!**

Strophe: Bb7 / F /C7 /C7

Alli händs uf da Teppich gschafft,
nur dr Igel macht uf schlapp und denkt:
"Sölle mi uufrolla oder nit?"
Und dr Bär öffnat sis Muul gross und rund ... und bisst zua!

Refrain: F / Bb C7 F /

**Aua! Schreit dr Bär und spuckt umannand.
Aua! Schreit dr Bär mit Bluat im Muul.**

Strophe: Bb7 / F /C7 /C7

Jetzt flüügand alli davoo
in d'Sicherhait uf da Isbärg,
und dr Bär brummt und fluacht
und nimmt sich d'Stachla us am Muul ...

Refrain: F / Bb C7 F /

**Jetzt flüegt dr Teppich davoo allai, allai.
Und taucht ins groossa Meer, oh, wia khalt!**

Strophe: Bb7 / F /C7 /C7

Är khunnt mit tuusig Fisch,
und khippt sie vor am Isbär uus,
wo mit glänzanda Auga fot aa
frässa und frässa und frässa ...